



**Bosna i Hercegovina
Parlamentarna skupština
Bosne i Hercegovine
Dom naroda**

Broj:02-011-152/01
Sarajevo,30.03.2001.godine.

**Z A P I S N I K
sa druge sjednice Doma naroda Parlamentarne skupštine BiH, održane
30.03.2001.godine.**

Sjednica je počela sa radom u 11:00 sati.

Sjednicu je sazvao i otvorio g.Ilija Šimić, predsjedavajući Doma naroda Parlamentarne skupštine BiH, i konstatovao da je prisutno 15 delegata.

Pored delegata Doma naroda sjednici su prisustvovali članovi Vijeća ministara BiH, predstavnici međunarodnih organizacija i javnog informisanja.

Prije nego se prešlo na dnevni red delegat Halid Genjac je položio svečanu izjavu.

Predsjedavajući je predložio dnevni red i pošto se niko nije javio za diskusiju oko dnevnog reda, predsjedavajući je dao na glasanje dnevni red koji je jednoglasno usvojen i konstatovao da je za drugu sjednicu usvojen sljedeći

D N E V N I R E D :

1. Usvajanje Zapisnika 1. konstituirajuće sjednice Doma naroda;
2. Potvrđivanje imenovanja članova Predsjedništva BiH;
3. Prijedlog Budžeta BiH i međunarodnih obaveza BiH za 2001.godinu;
4. Prijedlog Zakona o izvršenju Budžeta BiH i međunarodnih obaveza BiH za 2001.godinu;
5. Izaslanička pitanja i inicijative;
6. Razno

Ad.1. Usvajanje Zapisnika 1. konstituirajuće sjednice Doma naroda.

Zapisnik sa 1. konstituirajuće sjednice je usvojen jednoglasno i niko nije učestvovao u raspravi.

Ad.2. Potvrđivanje imenovanja članova Predsjedništva BiH.

U diskusijama o ovoj tački dnevnog reda učestvovali su Ibrahim Spahić, Dragutin Ilić, Ivo Divković, Nikola Špirić, Sejfidin Tokić, Munib Jusufović. Domu naroda Parlamentarne skupštine BiH obratili su se i gospoda Beriz Belkić i Jozo Križanović koju su imenovani od strane Predstavničkog doma Parlamentarne skupštine za članove Predsjedništva BiH. Prilikom glasanja o potvrđivanju imenovanja članova Predsjedništva

BiH za gospodine Beriza Belkića glasalo je svih pet delegata iz reda bošnjačkog naroda, a za gospodina Jozu Križanovića također je glasalo svih pet izaslanika iz reda hrvatskog naroda. Predsjedavajući Doma naroda Parlamentarne skupštine BiH mr. Ilija Šimić je čestitao gospodi Belkiću i Križanoviću na izboru za članove Predsjedništva BiH.

Ad.3. Prijedlog Budžeta BiH i međunarodnih obaveza BiH za 2001.godinu.

Prilikom razmatranja treće tačke dnevnog reda, predsjedavajući je podsjetio delegate da je Prijedlog Budžeta BiH i međunarodnih obaveza BiH za 2001.godinu razmatran i na Predstavničkom domu i da je usvojen sa amandmanom koji je postao sastavni dio teksta i koji su delegati dobili na klupe. Također je podsjetio delegate da je i Ustavno-pravna komisija Doma naroda dostavila svoje mišljenje o Prijedlogu Budžeta sa amandmanom, kao i Komisija za finansijska i administrativna pitanja Doma naroda. O Prijedlogu Budžeta BiH i međunarodnih obaveza BiH za 2001.godinu u raspravi su učestvovali delegati Nikola Špirić, Ilija Šimić, Šefik Džaferović, Momčilo Novaković, Ivo Divković, te zamjenik ministra za trezor u Vijeću ministara BiH Muharem Imamović i gosp. Beriz Belkić član Predsjedništva BiH.

Prilikom glasanja za Prijedlog Budžeta delegati su se izjasnili jednoglasno za usvajanje Prijedloga Budžeta BiH i međunarodnih obaveza BiH za 2001.godinu sa amandmanom, dakle u istovjetnom tekstu kako ga je usvojio i Predstavnički dom Parlamentarne skupštine BiH.

Ad.4. Prijedlog Zakona o izvršenju Budžeta BiH i međunarodnih obaveza BiH za 2001.godinu.

Povodom ove tačke dnevnog reda niko se nije javio za diskusiju, i prijedlog Zakona o izvršenju Budžeta BiH i međunarodnih obaveza za 2001.godinu sa amandmanima koje je usvojio Predstavnički dom i koji je postao sastavni dio teksta Prijedloga zakona, usvojen je jednoglasno i od strane Doma naroda Parlamentarne skupštine BiH u istovjetnom tekstu.

Ad.5. Delegatska pitanja i inicijative

Delegati Ivo Divković i Šefik Džaferović su uputili delegatska pitanja koja će dostaviti u pismenoj formi.

Delegat Ibrahim Spahić je uputio dvije inicijative koje će također dostaviti u pisanoj formi.

Sjednica je završila sa radom u 12:55 sati.

Neautorizirani transkript čini sastavni dio zapisnika.

*Sekretar
Doma naroda
Jadranko Tomić s.r.*

*Predsjedavajući
Doma naroda
mr. Ilija Šimić s.r.*

